

病證辨異

吳縣陸成一先生輯

病症辨異

陳紀雲



病症辨異叙

百病之有表裏虛實寒熱也。猶六合之有上下東南西北也。表病而裏治之。虛病而實治之。寒病而熱治之。豈非南轅北轍。愈治愈劇耶。故治病必自辨症始。先辨其表裏。經絡臟腑。知病之在表在裏。何經何絡。何臟何腑。然後於脈象舌苔及他候參考。再辨其爲虛爲實爲寒爲熱。或在一經或兼他經。如是庶得其真相。僕南游閩浙北走燕齊。以及湘鄂等處。見南醫多善治溫熱。北醫少善治傷寒。能會通者實尠。且南醫遇神昏譫語。無不以開心包爲急。曰葉吳所論也。一若是症。決無胃實肝熱心虛等因者。北醫遇發熱。無不以麻黃桂枝從事。遇腫脹。無不以腎氣從事。曰仲聖之法也。一若發熱。決無風溫內傷等因。腫脹。決無濕熱積聚等因者。抑何執而不化也。僕舉此數症。以概其餘。際此輪舶火車交通。利便天地之氣。亦爲之變遷。醫者幸勿泥於西北燥寒。東南濕熱。當就證論病。對病發藥。斯爲善治。苟不辨證。症曷由明哉。閱

古今方書載以證辨症之說甚詳似可毋庸贅言然未有薈萃成書者因粗具體例命兒子培初編輯足成之名曰病症辨異以爲初學之資臨症之助逾葺漸成帙同人謂有裨於醫家病家慙慙付梓惟遺漏尙多未足爲完帙姑付刊以爲先路之導倘得勤學者補苴掇拾隨時補纂跂予望之吳郡陸晉笙錦燧識

此書集各家共述、分門別類而成、辨症清
晰、朗若列眉、後學能從此入手、熟讀精研、則
事半功倍、思過半矣、惟印書時、未能詳細校
對、錯字脫落甚多、余已逐段改正加添

霞仙附筆

病症辨異叙

治病之道當治其原因。不當治其表面。所謂表面者。若咳嗽也。腫脹也。瘧也。痢也。諸如此類。皆病之表面也。頭暈也。口渴也。腹脹也。納呆也。諸如此類。皆證之表面也。其實則各病各證俱有其原因。或因於六淫外感。或因於七情內傷。或因素稟之偏於陰虧。偏於陽虧。未明其原因。第就表面觀之。泥用古方。不知其爲虛症咳嗽。虛症腫脹也。而以實症咳嗽。實症腫脹之方治之。不知其爲熱症瘧疾。熱症痢疾也。而以寒症瘧疾。寒症痢疾之方與之。不知其頭暈口渴。腹脹納呆之因於此也。而以頭暈口渴。腹脹納呆。因於彼者之方療之。籠統論治。宜乎愈治而愈壞。不明醫理者。且謂我用某書某醫之古方。明明載治某病。不識何以不應。而反劇如此。遂疑病本不治。而茫不自知其紕繆。究其所以紕繆之故。由乎未能辨症。試觀從前名醫。同一血崩也。證見氣滯。用醋炒香附炭。證見血瘀。用五靈脂炭。證見氣陷。用荊芥炭。證見血熱。用

槐耳炭證見血寒用烏梅乾薑炭證見血脫用棕櫚白礬炭同一悶痘也證見火閉臥之以漆桌證見氣閉激之以發怒證見寒閉塗之以雞矢醴證見血閉暈之以蚊口非辨明原因而同病異治哉夫舌苔脈象神情面色飲食大小便皆辨症最緊要處苟辨明原因則治肺腎虛寒之咳嗽方轉可移治肺腎虛寒之腫脹病濕熱薰蒸之瘡疾方反可移治濕熱薰蒸之痢疾何則其原因同耳培初趨庭時習聞家大人論說如此並粗具病症辨異一書規模命爲纂輯培初年幼學淺隨侍濟垣書亦不多就案頭書逐日分類抄錄雖已成帙缺略尙多今欲付梓殊爲惶惑家大人謂並非己作梓亦何害爰述庭訓而作此叙吳縣陸成一培初誌

前錄之書言其是因不當其書而復述其書

凡例

一是書爲癡溪醫述十五種之一家君政務繁殷粗具體例不遑卒業命僕編輯足成之皆古今醫書中摘出並非己著

一書中多以證分門爲便於翻查起見且可互證耳如大頭瘟載入頭門不載入瘟疫門中風半身不遂載入身體門不載入中風門之類餘可例推

一所輯皆不詳何人何書非欲沒其名以掠美也因醫書多彼此相同僕學問淺陋所見之書未必卽其人之說且重在說之當否正毋庸詳攷言出自誰耳

一每門於虛實寒熱可以兩兩比較以對待互勘而益明者固莫不輯入有兼此數證則屬何因兼彼數證又屬何因者亦大都輯入尙有病之原因爲此書中所未言及者須再檢外候答問卽外候中亦多遺漏學者据此以爲藍本隨時看書隨時增纂以補僕之缺略跂予望之

一試病方法亦所以辨症。症明乃可用藥無誤也。如以冷水試假寒。假熱。黑豆試蠱之類。今並輯入。

一凡痛拒按者實。喜按者虛。凡瘡紅腫者實。熱塌白者虛寒。凡病劇在晝者多陽虛。劇在夜者多陰虛之類。或載腹門。或載癰疽門。或載頭門。實則彼此可觸類旁通。書中未及逐門備載。以輯時僅就原書摘入故也。閱者當舉一反三。

一是書雖褻然成帙。然閱書時未必在案頭。或筆墨不在腕旁。卽未摘錄入書。雖尋約記憶未能清楚。暫付闕如。尙爲未曾完備之書。後當續輯。

板權所有
翻刻必究

病症辨異目錄

卷一

氣病

血病

肺

心

脾胃

脈

筋

骨節

身體

肌肉

發熱惡寒

寒熱

瘧

眠臥

痛痺

麻木

痿

痙

厥逆

暴仆

斑疹

疽

汗

卷二

頭

眩暈

面

耳

目

鼻

口

舌

言語

聲音

咳嗽

喘哮

喘

呃逆

嘔吐

渴

唇

齒牙

痰飲

咽喉

項

吐血

肩背

脇

胸 胃脘 痞滿 鬱

卷三

心坎 怔忡驚悸 煩躁饒雜 昏迷 癲狂 癩

驚風 噎膈反胃 關格 乳 腹 腫脹

積聚癥瘕 炫癖 蟲 霍亂 吐瀉 腰

飲食 中蠱 前陰 小便 淋濁 遺泄

溺血 疝

卷四

後陰 大便 泄瀉 痢 便血 痔

瘡痢 女陰 經 崩漏 帶下 胎孕

臨產 產後 手足 手指 膝腿 足

外感 內傷 風 中風 傷寒 暑

濕 火 溫熱 瘟疫 虛勞 晝夜

小兒 癰疽 疔瘡 癭瘤 癘

病症辨異卷一

吳郡陸成一培初輯

【氣病門】

衝氣爲厥陰熱病爲表邪爲痰辨 腹中之氣時時上衝氣撞心疼吐蚘者厥陰熱病也不吐蚘者病在陽分表邪也氣上衝咽而喘者胸中有痰也

衝氣爲肝火爲陰火爲虛極辨 氣從左邊起肝火也宜左金丸氣從臍下起陰火也宜黃蘗丸坎離丸氣從足下起入腹虛之極也宜滋陰降火湯外用津調附子末塗湧泉引熱下行

邪氣有餘正氣不足辨 口鼻氣粗疾出疾入者外感邪氣有餘也口鼻氣冷徐出徐入者內傷正氣不足也

短氣虛實表裡辨 短氣心腹脹者爲實爲邪在裏心腹濡滿者爲虛爲邪在表

少氣短氣辨 少氣者猶言所剩無多虛虛怯怯非如短氣之不相接續

呼吸虛實辨 呼吸來去俱粗其粗也平等方是實證若來粗去不粗去粗來不粗則非實症矣

氣短氣喘辨 少氣不足以息呼吸不相接續出多入少名曰短氣短氣者氣微力弱非若喘症之氣粗奔迫也

短氣少氣辨 少氣者氣少不足於言經謂言而微終日乃復言此奪氣也虛也氣短不能相續似喘而不搖肩似呻吟而無痛有氣上冲由裡氣因痰或食或飲礙其升降之路使然仲景謂平人無寒熱短氣不足以息者實也

【血病門】（衄入鼻門吐血溺血便血別有門）

傷寒畜血辨 發熱如傷寒而其人曾從高墜下顛撲損傷或盛怒叫呼或強力負

荷無何而病小便自利口不甚渴按胸脇臍腹間有痛處或手不可近者畜血也
畜血上焦下焦辨 畜血一症雖病在血分亦須分別陰陽治之如血瘀上焦爲陽
血蓄下焦爲陰太陽失表熱瘀於裡蓄血上焦爲陽太陽誤下陽氣下陷蓄血下
焦爲陰上焦蓄血其脈人迎必數而有力面紅舌燥發燥欲狂或頭搖目瞪大便
下血水兩手除食指外餘指皆抽掣治以清熱破血下焦陽證蓄血由熱結膀胱
用攻血攻下桃仁大黃之屬下焦陰證蓄血血因寒而凝面白目青眉皺目瞪寒
戰口噤舌胎白滑大便下血水兩手除食指外餘指皆抽掣宜溫補之人參附子

當歸肉桂炙草之類

蓄血生死辨 凡蓄血症大便下血水見糞中樞有權者生無糞中土幾絕者死

畜血分上中下三部辨 凡跌撲傷損及努力負重忿怒起逆皆使瘀血停畜其症

寒熱發黃胸脇小腹滿痛手不可近宜分上中下治之如吐衄停瘀屬上部必嗽

水不欲咽血結胸膈屬中部必燥渴譫語少腹硬滿大便黑屬下部必發狂善忘
三焦畜血必狂燥便寔

血行清道濁道及出自何臟何腑辨 血行清道出於鼻行濁道出於口吐血出於
胃衄血欬血出於肺嘔血出於肝咯血出於心痰涎之血出於脾唾血牙宣血出
於腎舌衄出於心肌衄出於心肺衄血出於膀胱

血症屬火屬火極屬陽衰辨 凡血色鮮濃者屬火紫黑者火極晦淡無光者陽衰
不能攝陰

血症屬肺屬心胞屬脾肝屬腎屬胃辨 凡血色粉紅者肺血赤如硃漆光者心胞
血鮮稠濃紫者脾肝血痰唾雜紅點紅絲者腎血赤如太陽之紅者亦腎血吐多

成益成怨者胃血

血症易治難治辨 血下行爲順其治易上行爲逆其治難

血症病在肺在心胞在脾在肝在腎在胃辨 凡血症見咳嗽喘滿及膈左右脹痛者病在肺也宜清降不宜升浮如臃中一絲牽痛或懊惱雜者病在心胞也宜養營不宜耗散如腹膨不飢食不知味吐涎沫者病在脾也宜溫中不宜酸寒如脇肋牽痛躁擾不安往來寒熱者病在肝也宜甘緩宜疏利不宜秘滯如氣短似喘咽痛聲啞骨蒸盜汗者病在腎也宜滋陰壯水不宜香燥如嘔吐煩渴大熱不得臥者病在胃也補瀉當察兼症勿謂陽明盡可攻也

血症易治難治辨 血症身熱多渴脈大者是火邪勝也其治難身涼不渴脈靜者是正氣復也其治易

【肺門】

肺痿由濕盛液虛辨 痿痺有液虛濕盛之分大抵液虛者口乾而知味舌紅而無苔濕盛者口膩不知味舌有黃白苔身痿肺痿皆然